

## ***OUN MARIADZO DU TEIM DE NAPOLÉON BONAPARTE***

Tzacoun o cha kie i vaï à che teim fajey partie d'à France é potaë o nom de : Departement du Chimplon.

Ire proeu maoroeu ma n'em poan rein tzandjië. Po recruta é chaeüda kie dean parti po France fo ître dreschia po battre e apret suivre Imperô à tchui e bet d'Europe e maton pa maria kié âan veintjoun ans dean aâ ba Sion terie u sô.

Fo krère kie Napoléon aey pitjaé di dzouënne femme piskie e jommo maria an pa manka de terië u sô.

I granta porschion di dzouënne i tinian pa de che maria tan vito ammâon mé ître chaeuda, ître bien ekipa e bien armâ e aey pe-t-itre acajion de che fere décorâ pe Emperô chu oun champ de batâle.

Djian-Tounio Blanc di Borne deey terië u sô djiesto o tzatein dean kie ouchan émoda po fire a campagne de Russie.

Ire oun ommo coume tan d'atro, ma ire fio unico, itae depuii avouë à mare viva djiâ brâamin anschiametta.

I aan brâamin de ben, de tzan, de pra e deutrë bocon de vigne pe du bet de Tzam-Maret.

Coume chaei truon pa dèkie fire dean aey jamé avoutschia apré e matte.  
Che moujae tu pari kie ire pa cramo et kie arey jame puchu a bada ouna matta devo oeu. Ey viniey proeu gri de aschië à mare depeÿey e-pe-t-itre ounco aschie vaccâ dimië to che ben, ma ire timein ergonioeu kie aey pa o coradzo de ouja demanda ouna matta en mariadzo.

Por aâ a chocô di brë dzein de adzo pache i Bon-Diù pa vay.

E fran chin kie t'arouâ à Djian-Tounio Blanc.  
Ouna demeindze en aein ba en Bache-Neinda à mescha can e ju à Chorna a firù fran à cou avouë Dzakié Hleya. Oun bon pâpa pa grendzo kie aey trei dzeinte dzouenne matte pa mariet.

Schischi interoua a Djian-Tounio che deey pa dabô terie u sô, e che ey charey pa inui gri de pari e che arey pa miô fé de che mariâ e chobra kiey au paï.

Faudray ounco oujâ demanda ouna matta enn maridzo por chin - Oun ne pa cranno e i pour de me fere refouja e plaea di parein.  
Ba! chon de jidé à te cheinret. Eprua ey d'ini demanda a iouna di moâe. enn ei trei chareben i diaste che en aret pa iona kie oudré de te.

Kan che iniù deoun enn desta Djian-Tounio a apresta ouna bonna va'a de pan de cheya kie aey fé mémo oun carti de fromadzo de Tortin e daoue barele de bon enn de Tzan-Maret e pouet partey po Chornâ verre e matte à <sup>11</sup><sub>SEP</sub><sup>11</sup><sub>SEP</sub>Jiojon Hleya.  
Coume ire un dzo de croet tim a troâ tota a famele à meyson.

Ste dzouenne an vito ju comprey a manura de Djian-Tounio.

Can Djian-Tounio a ju ouvouèt a vaija e to metu chin cha tabla a vercha daoue cope pleyne Jiojon Hleya a invita a premieri di matte Antoène 22 jan a che chetâ am tabla avoue Djian-Tounio é trinca e cope. Ire coutouma. Che jesto ché teim temuniée o conchintemin u mariadzo.

Antoène e jua chi agretschië u bret d'a mare chetaï chu artze decoute o yë e a pa doblâ demoè d'aâ trinca.

Hleya Jiojon e chobra choreprey, che moujâ intre ini. Baey che me farein tote trei e mime gounie. A toutoun pas chupu kie de min kie d'invita a checonda Jabé vint an.

I Jabé d'abeskie Antoène u pa. Veun-tu trinca avoue Djian-Tounio?î

Jabe e jua ch'agretschië pe atre bret da mare e a repondu: îNa- naâ, io vouajo pa.î

Can Jabé a ju refouja, Jiojon e peskie iniu rapïu. Ey chobrae pa mé de etzappa kie de éproa de demanda a mé dzouennetta bharet ire i pli cranna di tôte.

E Jiojon a reptâ po treièmo cou a méma invitachion à Madeeina: 

L	T	L
SEP	SEP	SEP

 Madeeina peskie Antoène e Jabé uon pa oudrey tu ini trinca avoue Djian Tounio.

Y a djia tzica kie attinjô. Ma fe rein i pa radze et'adrey kie v'oucha invita Antoène é Jabé déan me dinche charin pa dzaeuje ni iouna ni atra kie io oucho i prumièrè à me maria.

Djian-Mitschie d'Ouâ

janvier 1958 ou 9? \_\_\_\_\_